

東京大学総合図書館所蔵

C40  
4514  
(112)



80

90

100

C40-4514

了翁座譜大藏及有  
家書置之武州紫雲山  
我微笑塔院丘府中永  
為學者不敢許出院內  
當山主鐵牛機謹誌



B 64853

大乘起信論裂網疏卷第四

靈峰萬益沙門智旭述

(辛)二明染淨熏習四。初總標熏習義。二釋熏習染

法。三釋熏習淨法。四結判斷與不斷。(壬)今初

復次以四種法熏習力故染淨法起無有斷絕。一淨

法謂真如。二染因。謂無明。三妄心。謂業識。四妄境。謂

六塵。皆不共相染。六輪時處。六法體。五根。六根。

一淨法謂真如者。舉凡無漏種子現行。及心心所  
所依理性。並名真如。蓋理性即真如。而無漏種

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

現順真如故亦卽名真如也。二染因謂無明者。唯指不共無明。謂恒行不共。卽第七識相應之法癡獨行不共。卽第六識相應之迷理無明。或是分別或是俱生通爲一切染法所依。故名爲染因也。三妄心謂業識者。通指八識心體。及彼相應心所之體。依之能起見相二分。以有動轉。故名業也。四妄境謂六塵者。通指心心所之相分。總不出於六塵。卽是所緣緣也。

薰習義者。如世衣服非臭非香。隨以物熏則有彼氣。

衣服非臭非香。喻隨緣不變之性。本自非染非淨也。以臭物薰則有臭氣。喻不變之性。隨於染緣有染相也。以香物薰則有香氣。喻不變之性。隨於淨緣有淨用也。

真如淨法性非是染無明熏故。則有染相。性德真如雖非染淨以無染故。且名淨法。譬如未熏之衣。意指無覆無記識而言之。本是全體真如。故卽名真如也。無明熏故有染相者。從所熏染種起染法現行。具如前文所明三相六相等也。

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

無明染相。實無淨業。真如熏故。說有淨用。

無明染相通。指無明所起心心所等。亦是真如舉體所成。性非染淨。特以既受染熏。譬如臭衣。故無淨業也。真如熏故者。是以修德無漏淨法。而熏習之如以香熏彼臭衣也。說有淨用者。譬如因除臭氣方顯香之用也。夫有染相必有染用。而染用流轉生死。過失深重。故不言之。夫有淨用必有淨相。而淨相冥合淨體。非世所測。故不言之。初總標熏習義竟。

(十一)二釋熏習染法二。初正明熏義。二釋義差別。

卷今初

云何熏習染法不斷。所謂依真如故。而起無明爲諸染因。然此無明卽熏真如。旣熏習已生妄念心。此妄念心復熏無明。以熏習故。不覺真法。以不覺故。妄境相現。以妄念心熏習力。故生於種種差別執著。造種種業。受身心等衆苦果報。狀表或無明由真如而生。衆生無始已來。法爾有八種識。此八種識及諸心所。真故相無別。其體卽一法界。亦名真如。真如爲

80

90

100

90

迷悟依由無始來從未悟故第七識起迷理無明不如實知真法本一故云依真如故而起無明爲諸染因也若謂先有真如方起無明由有無明方有阿賴耶識由有阿賴耶識方有前七轉識則衆生有始何異冥初生覺之外道耶然此無明卽熏真如者謂一念無明現行卽熏於藏識中成無明種藏識體卽真如譬如動水之時卽動濕性故云熏真如耳此約識與真如非異言之然水雖動濕性不改乃是隨緣不變之體依於此義唯識復言

不熏真如是約識與真如非一言之正可互顯妙理無違妨也旣熏習已生妄念心者依生滅門俗故相有別則有八識及諸心所體用四分種現差別不同然此差別悉皆無性由無明故不達無性生第六識相應之差別法執名爲妄念心也此妄念心復熏無明者第八識中旣本有無明種子令第七識念念起於迷理無明現行而此第六識之法執妄念現行熏於第八本識自成妄念種子又能助彼無明種子勢力故卽名爲熏無明也以熏

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

習故不覺真法者。從於法癡更起我癡等也。以不覺故妄境相現者。由我癡故。乃現三界分段生死六塵境也。以妄念心熏習力故。生於種種差別執著者。卽界內界外見思諸惑也。造種種業者。有漏善惡不動業。無漏偏真等業也。受身心等衆苦果報者。分段變易二種生死也。然雖感業苦三循環不息。究其根原。止由無明迷真法界。而無明無體。不離真如本覺之性。如人眠夢夢中受於無量輪迴。俄然睡醒空無所得。若無醒時之心。安有夢心。

若非研此夢心。何處別覓醒時之心也哉。

(卷)二釋義差別

妄境熏義有二種別。一增長分別熏。二增長執取熏。妄境本唯心現。由不了故。還熏於心。一增長分別熏。卽助界內界外見惑。一增長執取熏。唯助界內思惑。若助界內見思。令諸凡夫不出生死。若助界外見惑。令二乘人速求涅槃。妄心熏義亦二種別。一增長根本業識熏。令阿羅漢辟支佛一切菩薩受生滅苦。二增長分別事識熏。令

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

諸凡夫受業繫苦

界外見思增長業識受變易生死名之爲生滅苦。  
無明熏義亦二種別。一根本熏成就業識義。二見愛  
熏成就分別事識義。根本熏我癡名見愛熏也。二釋熏習染法  
竟

⑤三釋熏習淨法二。初正明熏義。一釋義差別

今初

云何熏習淨法不斷謂以真如熏於無明。以熏習因  
緣力故。令妄念心厭生死苦。求涅槃樂。以无妄心厭  
求因緣復熏真如。以熏習故。則自信已身有真如法  
本性清淨。知一切境界。唯心妄動。畢竟無有。以能如  
是如實知故修遠離法。起於種種諸隨順行。無所分  
別。無所取著。經於無量阿僧祇劫。慣習力故。無明則  
滅。無明滅故心相不起。心不起故境界相滅。如是一  
切染因染緣及以染果心相都滅。名得涅槃成就種  
種自在業用

0 1 2 3 4 5 6 7 8 9 10 11 12 13 14 15 16 17 18 19 20

真如。指本識中無漏種子及佛菩薩果中勝用。此二並順真如法性故皆名真如也。種子內熏爲因。諸佛菩薩外熏爲緣。只此內因外緣並不離於衆生現前介爾之心。以此心性實無外故。以無始無漏種子不離現前心性故。以十方諸佛菩薩皆證衆生心性不在衆生心性外故。言熏於無明者。一是諸佛菩薩外熏。熏第六識及前五識。令其見色。聞聲嗅香。讀誦身蒙光照或手摩頭或衣覆體。意識領受。以此現行熏成種子。二是無漏種子內熏。

令其信受。不疑不謗也。令妄念心厭生死苦。求涅槃樂者。卽是起於有漏聞思修慧也。以此妄心厭求因緣復熏真如者。謂有漏聞思修慧內則增長無漏種子勢力。外則感扣諸佛菩薩慈悲也。自信已身有真如法等者。信成就發心也。以能如是如实知故等者。解行發心也。無所分別等者。證發心解也。無明滅故心相不起等者。證佛根本智也。成就種種差別業用者。證佛後得智也。

卷二釋義差別二。初釋妄熏義別。一釋真熏義別。

0 1 2 3 4 5 6 7 8 9 10 11 12 13 14 15 16 17 18 19 20

①今初

妄心熏義有二種。一分別事識熏令。一切凡夫二乘厭生死苦。隨已堪能趣無上道。二意熏令。諸菩薩發心勇猛。速疾趣入無住涅槃。

一分別事識熏者。謂或秉三乘共教。不知七八兩識。但以第六意識修生空觀。破見思惑而取涅槃。或秉大乘漸教。雖知七八兩識。但以見思重故畏生死故。先依第六識修生空觀。次第乃修法空觀等。故云隨已堪能。然此外凡內凡菩薩固是趣向

菩提。即彼二乘亦必從權入實。故總云趣無上道也。二意熏者。謂或是漸教菩薩入淨心地。轉第七識。令與平等性智相應。任運流入大涅槃海。或是頓教菩薩。從初便觀動心。卽不生滅。卽得入真如門。所謂能觀一切妄念無相。則爲證得如來智慧。雖此能觀之心。仍是第六意識。而卽以根本無明爲所觀境。故名爲意熏也。

②二釋真熏義別三。初標二釋三結判。合。③今初  
真心熏義亦二種別。一體熏。二用熏。

只此心性真如之體佛與衆生平等無二雖本無二而一一佛一一衆生乃至一一微塵各全攬真如爲體非是真如少分雖一一佛一一衆生乃至一一微塵。並是真如全體然非有多真如此乃不可思議一心法門譬如千燈共照互徧互含無雜無障礙也故約佛言則一切衆生並是佛心內之衆生以佛心豎窮橫徧更無外故約衆生言則一切諸佛並是衆生心內之佛以衆生心豎窮橫徧更無外故約我只今現在介爾心言則一切佛一

切衆生並是我心內之佛生以現前介爾之心豎窮橫徧更無外故是謂心佛衆生三無差別也所以阿賴耶中本具無漏種子卽我心真如之體內因欲發名爲體熏諸佛菩薩果上慈悲大用卽我心真如之用外緣資助名爲用熏也

凡內外字皆隨情說並不

在外也

(甲)二釋二初釋體熏二釋用熏

(寅)初中二初正

釋二釋疑

(卯)今初

體熏者所謂真如從無始來具足一切無量無漏亦

越住翁續聞

材

具難思勝境界用。常無間斷熏衆生心。以此力故。令諸衆生厭生死苦求涅槃樂。自信已身有真實法。發心修行。

真如者體大也。無量無漏者。相大也。勝境界用者。用大也。衆生之心。全攬真如體大爲體。故本具此相大用大也。如人迷方。方仍不動。如水成冰。冰之濕性如故。則融相潤用亦復本具。卽此名爲阿賴耶中無漏種子。譬如水中融潤之性。不離於水。而與水違。所以無漏道起。則捨賴耶及異熟名也。

迦二釋疑二初疑問二答釋

辰今初

問若一切衆生同有真如等皆熏習。云何而有信不信者。從初發意乃至涅槃。前後不同。無量差別。如是一切悉應齊等。

問意有二。一者同有真如。則不應有信不信。二者等皆熏習。則應一時發意。一時修行。乃至一時涅槃。不應復有前後。尤不應有退與不退。三乘一乘。若漸若頓。無量差別也。

辰二答釋二初直約無明煩惱厚薄釋二更約因

緣互相成辦釋

(巳)今初

答。雖一切衆生等有真如。然無始來。無明厚薄。自性差別過恒河沙。我見愛等。纏縛煩惱。亦復如是。唯如來智之所能知。故令信等前後差別。

無明厚則信心難生。無明薄則信心易發。煩惱厚則難斷。煩惱薄則易除。而無明煩惱又各有界外

界內之不同。故唯如來能盡知也。

(問)二更約因緣互相成辦釋

又諸佛法。有因有緣。因緣具足。事乃成辦。如木中火

性。是火正因。若無人知。或雖有知而不施功。欲令出火。焚燒木者。無有是處。衆生亦爾。雖有真如體熏因力。若不遇佛諸菩薩等善知識緣。或雖遇緣。而不修勝行。不生智慧。不斷煩惱。能得涅槃。無有是處。

木中火性。譬賴耶中無漏種也。若無人知。譬不遇善知識緣也。不施功。譬不修勝行也。出火。譬生智慧也。燒木。譬不斷煩惱壞和合識也。法合可知。

又復雖有善知識緣。倘內無真實習因力。亦必不能厭生死苦。求涅槃樂。

此如極濕之木不能卽鑽出火也。瑜伽依此權立五性差別。以其無明煩惱尤厚覆無漏種雖有而竟似無故也。

要因緣具足。乃能如是。云何具足。謂自相續中有熏習力。諸佛菩薩慈悲攝護。乃能厭生死苦。信有涅槃種諸善根。修習成熟。以是復值諸佛菩薩。示教利喜。令修勝行。乃至成佛入於涅槃。自相續中。謂全攬真如。以爲阿賴耶識。此識無始。展轉傳來。依之建立假名衆生。雖念念滅。卽念念

生。恒轉如流。故名自相續也。有熏習力者。一無始本住種性惠。二積劫聞所成種熏。此二皆名爲內因也。諸佛菩薩慈悲攝護者。一平等緣攝護。二差別緣攝護。此二皆名爲外緣也。須知必要差別攝護。及聞所成種熏方能展轉增其勝因勝緣。以至成佛入大涅槃耳。初釋體熏竟。  
寅二釋用熏。二初略標。二各釋。二卯今初論熏。用熏者。卽是衆生外緣之力。有無量義。略說二種。一差別緣。二平等緣。不二以無二外。一般坐禪。記一並

真如無二。亦無不二。以無二故。一切生佛。唯一真如。以無不二故。一一生。一一佛。各皆全體真如。以無二故。卽無能熏所熏。以無不二故。得論能熏所熏。又設唯無二。固無能熏所熏。設唯無不二。亦無能熏所熏。以生與佛一向二故。生不能感佛。不能應。今由不二而二。乃得論用熏也。又由無二。卽無不二。所以有差別緣。由無不二。卽是無二。所以有平等緣。又由有差別緣。故佛不能度無緣者。有平等緣故。佛度生終不休息也。

(師)二各釋二。初釋差別緣。二釋平等緣

(辰)今初

差別緣者。謂諸衆生從初發心乃至成佛。蒙佛菩薩等諸善知識隨所應化而爲現身。或爲父母。或爲妻子。或爲眷屬。或爲僕使。或爲知友。或作冤家。或復示現天王等形。或以四攝。或以六度。乃至一切菩提行緣。以大悲柔軟心。廣大福智藏。熏所應化一切衆生。令其見聞。乃至憶念。如來等形。增長善根。此緣有二。復各二種。一增行緣。二入道緣。

80 1 2 3 4 5 6 7 8 9 100 1 2 3 4 5 6 7 8 9 100

起信圖經序

從初發心乃至成佛。即是無漏種現體熏內因爲能感也。隨所應化而爲現身。即是果上真如用熏外緣爲能應也。或爲父母。乃至天王等形。令其見也。或以四攝乃至菩提行緣。令其見且聞也。或作冤家者。如提婆達多等。餘皆可知。四攝謂布施。愛語。利行。同事。六度。謂施戒。忍進禪慧。菩提行。謂四種三昧。三十七道品等。無量行門。大悲柔軟心者。同體大悲。視諸衆生猶如自己。無粗獷也。廣大福智藏者。圓極修德等。真法性恒作利益。無窮盡也。

熏所應化令其見聞者。即是感應道交也。乃至憶念如來等形增長善根者。不唯見聞應化事法。能爲增上勝緣。卽如來及菩薩等所有形像。令人憶念瞻禮。並屬真如用熏。良以三身宛然。四德無減。故也。速得菩提名近緣。久遠方得名遠緣。可見從初發心乃至成佛。並賴善知識緣也。從初發心。卽賴此緣。增行入道。乃至成佛。亦賴此緣。增行入道。可見若欲增行入道。並賴善知識緣也。福德緣。因名增行緣。智慧了因。名入道緣。

辰二釋平等緣

平等緣者。謂一切諸佛及諸菩薩。以平等智慧平等志願。普欲拔濟一切衆生。任運相續。常無斷絕。以此智願。熏衆生故。令其憶念諸佛菩薩。或見或聞而作利益。今其入淨三昧。隨所斷障得無礙眼。於念念中。一切世界平等現見無量諸佛及諸菩薩。

平等智慧節了達一切生佛唯一真如之智慧也。有此平等智慧。則必有平等志願。所謂無作四弘誓也。發僧那於始心。終大悲以赴難。所以任運無

斷薰衆生也。淨三昧。即是真如三昧。隨所斷障等者。如初地斷異生性障。能見百世界中諸佛菩薩。二地斷邪行障。能見千世界中諸佛菩薩。乃至地轉增。具如華嚴十地品中所明也。三釋真熏義別中。初標二釋竟。又言端薰無盡子篇未詳轉與

五三結判

端薰菩薩。收南華子端輪於第六卦。

此體用熏。復有二別。一未相應。二已相應。未相應者。謂凡夫二乘。初行菩薩。以依意意識熏。唯依信力修行。未得無分別心修行。未與真如體相應故。未得自

在業修行未與真如用相應故。凡夫謂三乘外凡。二乘謂有學無學初發心菩薩謂內凡也。二乘不知有第七識。唯依第六修生空觀。名爲依意識熏。菩薩已知有第七識。雖依第六修法空觀。卽名依意及意識熏。然第七識未能轉與平等性智相應。第六識未能轉與法空無漏妙觀察智相應。雖得生空妙觀察智。未是大乘根本無分別智。以其未證法空所顯真如體故。旣未證體。何能起後得無分別智而成真如自在業用也哉。

已相應者。謂法身菩薩得無分別心與一切如來自體相應故。得自在業與一切如來智用相應故。唯依法力。任運修行。熏習真如滅無明故。

法身菩薩謂漸教初歡喜地。頓教初發心住也。所證真如。卽是一切如來自體。無二體故。旣已分證其體。卽必分同其用。故華嚴云。初發心時便成正覺。清淨妙法身。湛然應一切也。此後並是無功用道。故云任運修行等。三釋熏習淨法竟。

(王)四結判斷與不斷

復次染熏習從無始來不斷成佛乃斷淨熏習盡於未來畢竟無斷以真如法熏習故妄心則滅法身顯現用熏習起故無有斷

染至成佛乃斷所謂無明無始而有終也淨則畢竟無斷所謂始覺有始而無終也。譬如依方故迷。迷本覺所謂本覺無始而無終也。與方皆無始。依方故迷。迷與方皆無始。依迷有悟。悟與方皆無終。方外別無迷悟。迷悟之外亦別無方。以不變之方。必隨迷悟兩緣。故真如卽生滅。以迷悟兩緣終不能令方改。

故生滅卽真如。然迷則違方而舉足咸非悟則順方而去來如意。故須返迷歸悟也。問。唯識論云。佛果更無能熏所熏。今云用熏習起故無有斷。如何會通。答。今言妄心滅法身顯。卽唯識佛無能熏所熏義也。唯識論言所化有情無盡期故。窮未來際四智心品無斷無盡。卽今用熏習無斷義也。思之初正釋生滅因緣相竟

(庚)二顯示大乘體相用者。由前立義分云。此心生滅因緣相能顯示大乘體相用故。今釋此心生

滅因緣相既畢故須顯示此心大乘體相用也。文爲二初顯示體相二顯示用 ④初中二初正顯示二釋疑 ⑤今初

復次真如自體相者一切凡夫聲聞緣覺菩薩諸佛無有增減非前際生非後際滅常恒究竟此先示大乘體也一切凡夫卽六法界并聲聞等則成十法界也一一凡夫乃至一一諸佛無不各具真如全體而亦無二真如在迷不減在悟不增前際無始後際無終故云常恒究竟也

從無始來本性具足一切功德謂大智慧光明義徧照法界義如實了知義本性清淨義常樂我淨義寂靜不變自在義如是等過恒沙義非同非異不思議佛法無有斷絕依此義故名如來藏亦名法身此示大乘自體相也一切衆生心旣本具真如體卽本具真如相非俟成佛而後有之故名真如自體相也非同非異者約翻染差別故非同約唯一真如故非異也依真如體本具如此真實德相故約凡夫目用不知但名爲如來藏約諸佛出障圓

80

90

100

95

題解釋迦門

明轉名爲法身也。初正顯示竟

王二釋疑

問。上說真如離一切相。云何今說具足一切諸功德相。

上說真如離一切相。卽指真如門中所說義也。答。雖實具有一切功德。然無差別相。彼一切法皆同一味。一真離分別相。無二性故。

同一味者。同無漏味也。同一真者。如如及如如智。卽是一真法界也。離分別相者。非諸凡夫二乘權

位菩薩所能測識也。無二性故者。唯是圓成實性所攝也。

以依業識等生滅相。而立彼一切差別之相。此云何立。以一切法本來唯心實無分別。以不覺故。分別心起。見有境界。名爲無明。然心性本淨。無明不起。是卽於真如立大智慧光明義。也若心生見境。則有不見之相。然心性無見。則無不見。是卽於真如立徧照法界義。也若心有動。則非真了知。非本性清淨。非常樂我淨。非寂靜。是變異不自在。由是具起過於恒沙虛

妄雜染。然以心性無動故。故卽立真實了知義乃至過於恒沙清淨功德相義也。若心有起見有餘境可分別求則於內法有所不足。然以無邊功德卽一心自性不見有餘法而可更求是故滿足過於恒沙非異非一不可思議之法無有斷絕。由其本具德相故說真如名如來藏。由其證此亦復名爲如來法身。

因該果海名如來藏亦可名爲理卽法身。果微因源名爲法身亦可名爲究竟如來藏也。初顯示體相竟。

④二顯示用三初正明用卽真如二廣明隨機見別三結示真如妙用 ⑤今初

復次真如用者謂一切諸佛在因地時發大慈悲修行諸度四攝等行觀物同已普皆救脫盡未來際不限劫數。如實了知自他平等而亦不取衆生之相。以如是大方便智滅無始無明證本法身。任運起於不思議業種種自在差別作用。周徧法界與真如等而亦無有用相可得。何以故。一切如來唯是法身第一義諦。無有世諦境界作用。

一切諸佛在因地時者卽與我等同爲凡夫時也。由信自心有真如法便能發大慈悲四弘誓願。修行六度四攝等行普救衆生盡一切劫。卽是修行觀門如實了知自他平等而亦不取衆生之相。卽是修行止門。止觀二門修必並運後修信中。是約自行之功效先明止。今文爲顯化他之用故先明觀也。又此中觀物同已卽般若中發廣大心。普皆救脫卽般若中發第一心了知自他平等卽般若中發愛攝心亦名常心而亦不取衆生之相。卽般

若中不顛倒心只此四心念念相應名爲大方便智故能證體而起用也。然此自在差別作用在凡夫人所見則名世諦以其有分別故。在聖人心中所見卽唯第一義諦以其無分別故。故曰所言二諦其實是一譬如醉人妄見屋轉謂有轉屋及不轉屋其實醉人所見轉屋卽是醒人所見不轉之屋無二屋也。

一(王)二廣明隨機見別二初約所依識以判二身二

暨計約機所見以判粗細註

癸今初不同此用非

但隨衆生見聞等故而有種種作用不同。此用有二。一依分別事識。謂凡夫二乘心所見者是名化身。此人不知轉識影現。見從外來取色分限。然佛化身無有限量。其實僧人遇見轉是唱其個人遇見本轉。應有問曰。如來旣無世諦境界作用。云何衆生見佛各各差別乃至去來坐臥。示生涅槃等事非世諦耶。故今釋曰。但隨衆生見聞等也。轉識影現者八識現行轉時。於見分上現佛身影爲相分也。卽彼凡夫二乘心之所見。並由共相識轉。所以現此。

影像原不從心外來。但彼凡夫二乘不知有藏識故。不知衆生心內諸佛所現之身能與諸佛心內衆生而作本質。不知諸佛心內衆生所見佛身。卽托衆生心內諸佛所現之身而自變爲影像。故云見從外來取色分限也。然彼雖妄計外來其實原不在外。彼雖妄取分限。其實化身原無限量。以此化身卽真如用。則便卽報卽法。非離真如體相。得有真如用故。所以應持不見其頂目連不窮其聲。一乃至合土範金刻木畫紙。所有佛像咸悉三身宛

然四德無滅不可謬隨凡夫生盲二乘眇目謂非真佛自墮曲見中也

二依業識謂諸菩薩從初發心乃至菩薩究竟地。心所見者名受用身。身有無量色。色有無量相。相有無量好。所住依果亦具無量功德莊嚴。隨所應見無量無邊無際無斷非於心外如是而見。

卽彼菩薩所見佛身亦必由眼識見意識觀察。但由知有藏識全攬真如爲體。本與如來非一非異。故隨所見卽知是托自心中佛之身以爲本質。還

於自心變影而緣本質不在我心性外。影像不能緣心外。故名依業識也。初發心卽頓教初發心住。以其分證真如能見佛受用身。此受用身稱法性。故所以有無量色隨一一色亦復稱法性。故所以有無量相隨一一相亦復稱法性。故所以有無量好。所住依果卽是實報無障礙土。亦復稱法性。故所以具無量功德莊嚴也。然此亦是托佛自受用身及土。以爲本質。自變相分爲親所緣。是故名爲他受用身及土。是故各隨菩薩心之分量。初地

80 1 2 3 4 5 6 7 8 9 100 1 2 3 4 5 6 7 8 9 100

見百世界二地見千世界等種種不同乃至菩薩究竟地見之方盡並名他受用身上也譬如燈光雖光光相入而互爲能照互爲所照重重無盡仍各無雜故也思之思之勿謂有本有影便非具分唯識非卽事事無礙法界也問發心住前菩薩所見云何答若在漸教卽同凡夫二乘所見若在頓教能同初住所見但未能任運恒見耳此諸功德皆因波羅蜜等無漏行熏及不思議熏之所成就其無邊喜樂功德相故亦名報身

一一功德雖皆性具仍須稱性起修修德圓滿方獲成就雖云成就而於性德亦無所加但對修因故名報果在佛分中卽自受用報身與法身合無二無別菩薩仗之爲本質境變影而見卽名他受用報身也初約所依識以判二身竟

(卷二)約機所見以判粗細

又凡夫等所見是其粗用隨六趣異種種差別無有無邊功德樂相名爲化身初行菩薩見中品用以深信真如得少分見知如來身無去無來無有斷絕唯

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

心影現不離真如。然此菩薩猶未能離微細分別。以未入法身位故。淨心菩薩見微細用。如是轉勝乃至菩薩究竟地中見之方盡。此微細用是受用身。以有業識見受用身。若離業識則無可見。一切如來皆是法身。無有彼此差別色。相互相見故。

凡夫等者等取二乘及漸教外凡也。初行菩薩者漸教內凡及頓教內外凡也。淨心菩薩者頓教初發心住漸教初歡喜地也。粗用名化身者劣應身也。中品用者帶劣勝應身亦名報化合身也。微細

用者他受用報身也。皆是法報所現之影。不離法報。佛豈有粗細哉。粗細並在機耳。又粗用者大乘止觀名爲清淨分別性。中用細用。皆名清淨依他性。若離業識則證清淨真實性故。各各周徧法界無雜無礙。更無彼此差別色相之可得也。二廣明隨機見別竟。

問。若佛法身無有種種差別色相。云何能現種種諸色答。以法身是色實體故。能現種種色謂從本已來。

◎三結示真如妙用

大菩薩說法解說

80 1 2 3 4 5 6 7 8 9 100 1 2 3 4 5 6 7 8 9 100

色心無二。以色本性。卽心自性。說名智身。以心本性。卽色自性。說名法身。依於法身。一切如來所現色身。徧一切處無有間斷。十方菩薩隨所堪任。隨所願樂。見無量受用身無量莊嚴土。各各差別。不相障礙。無有斷絕。此所現色身。一切衆生心意識不能思量。以是真如自在甚深用故。

法身卽是真如真如。卽是一切法之實體。故卽是色實體。旣卽是色實體。何難現種種色。況從本已來色心無二。非俟成佛方無二也。謂色卽真如故。

卽非色非心亦卽能色能心。心卽真如。故亦非心。非色亦卽能心能色。是以色卽是心。卽可名爲智。身則一切唯心。心卽是色。卽可名爲法身。則一切唯色。依此非色非心而色而心之法身。是以如來所現色身。橫徧豎窮。名爲自受用報。菩薩托之爲本質境。各見差別。名爲他受用報。雖復互徧。亦無所在。是以不相障礙。無有斷絕也。言隨所堪任者。卽所謂初地見百。二地見千等。言隨所願樂者。卽

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

千億那由他倍不可數知等此所現色身。並是真  
如自在甚深妙用。雖原不離衆生心意識性。由其  
無明不覺妄想自繫所以不能思量也。二各釋二

門竟

戊三結示不離二。初正示觀門。二喻顯不二。三  
初中二。初標意。二明觀。庚今初復次爲令衆生從心生滅門。入真如門故。  
衆生無始已來從未悟故。真如舉體而成生滅。捨  
生滅心何處更有真如可觀。故須卽從心生滅門。

觀其生滅本不生滅乃能入真如門也

庚二明觀

令觀色等皆不成就。云何不成就。此總舉色等以爲所觀境也。等者。等餘四蘊及無  
爲法。

謂分析粗色漸至微塵。復以方分析此微塵。是故若  
粗若細一切諸色唯是妄心分別影像實無所有。  
此先觀色蘊不成就也。微塵設有方分便可分析  
決非實有。若無方分便是非色。故知粗細諸色皆

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

是妄心所現。相分心外實無色也。問析色是小乘觀云何大乘用之答。小乘析色但顯人空。大乘析色卽顯色法本空。故曰法無大小。大小在人。不龜手藥之喻可深思也。

推求餘蘊漸至剎那。求此剎那相別非一。

次觀受想行識四蘊不成就也。四運推求剎那心法。謂未生欲生生生已。無暫時住毫無實法。但有名字而已。

無爲之法亦復如是。離於法界終不可得。

次觀無爲之法不成就也。色心念念生住異滅。名有爲法。對此有爲假施設。彼無爲名字。有爲尚不可得。無爲止是十八界中法界所攝。乃第六識所緣影像。豈離色心之外。有實常法名無爲哉。如是十方一切諸法。應知悉然。

有爲無爲既不成就。則十方世界更有何法可成就耶。此則生滅無性。當體即是真如明矣。初正示

詣觀門竟。而實不離。苦昧悞弘。而不坐忘。固當入於

(甲)二喻顯不二。西天實不轉來。主本指無形。持入於

0 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

猶如迷人。謂東爲西方。實不轉。衆生亦爾。無明迷故。  
謂心爲動而實不動。若知動心卽不生滅。卽得入於  
真如之門。只此現前介爾之心。性卽真如。衆生於真如中妄  
見生滅。猶如迷人謂東爲西。則真如之外無生滅  
也。迷人雖復謂東爲西。而東仍自東。則迷人之所  
謂西。原卽悟人之東。可警生滅之外無真如也。謂  
心爲動。合前謂東爲西。是卽真如而成生滅。心實  
不動。合前東仍自東。是離生滅更無真如。故苟能

知動心卽不生滅。譬如能知所謂之西。原卽是東。  
卽入真如門也。一心而分迷惑兩門。兩門究竟只  
此一心。但貴以知翻彼迷謂而已。迷者卽無明也。  
謂者卽妄想也。知者卽始覺也。本應如是了知。更  
無別知。故云始覺卽本覺也。初顯示實義竟。

大乘起信論裂綱疏卷第四

大乘起信論裂網疏卷第五

無間缺。諸子敬覺。明大學惠。深顯。淨。守實。養真。

開。普。明。文。狀。止。吸。音。消。放。撲。惠。木。懸。吸。景。丁。吸。真。  
此一心。對。實。以。吸。曉。對。淨。開。通。已。表。音。消。無。限。一。  
唯。入。上。吸。門。止。一。心。而。參。炎。離。兩。門。兩。門。索。竟。只。  
吸。種。心。消。不。生。燃。誓。吸。誦。吸。曉。離。之。西。東。消。張。東。

大乘起信論裂網疏卷第五

眾。聖。道。人。非。是。小。靈。峰。萬。益。沙。門。智。旭。述。

①二對治邪執二初總標二見二別釋二見

(戊)

春。今。初。對。入。持。持。云。之。對。長。故。浪。不。滿。是。首。介。外。  
對。治。邪。執。者。一。切。邪。執。莫。不。皆。依。我。見。而。起。若。離。我。  
見。則。無。邪。執。我。見。有。二。種。一。人。我。見。二。法。我。見。

若。達。前。所。顯。示。一。心。二。門。實。義。決。不。起。於。二。種。我。  
見。以。真。如。舉。體。而。成。生。滅。則。真。如。決。非。實。人。實。法。  
以。生。滅。當。體。即。是。真。如。則。生。滅。決。非。實。人。實。法。故。

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

楞伽云。當依無我如來之藏也。然佛所說法。若爲對治。凡夫則專破人我執。若爲對治。二乘則專破法我執。由對治人我執。方便建立蘊界處法。非實法也。二乘依此遂起法執。由對治法我執。如實說。爲唯識所現。依八種識假名爲人。非實人也。凡夫依此。仍起人執。故云。一切外道所有諸見。皆從佛法流出也。一切邪執。謂凡夫所有邊見。邪見及二取等。並依人我見生。二乘所執色不相應。及無爲大等。並依法我見生。

(戊)二別釋二見二初釋人我見。二釋法我見。(己)

初中二。初正除我見。二例破餘見。(庚)今初

人我見者。依諸凡夫說有五種。

人我見亦名我執。依我癡故。而起我見。依我見故。而起我愛。我慢依愛我故。而計我所依計我。我所故。順之則貪。違之則瞋。真起無量諸煩惱法。故人我見。唯依凡夫說有。若證小乘須陀洹果。則便永斷此邪執矣。况大乘乎。

80 1 2 3 4 5 6 7 8 9 100 1 2 3 4 5 6 7 8 9 100

聞之不解其義則執如來性同於虛空常恒徧有此卽執有神我徧十方界體常周徧量同虛空之外道也原是謬解法身之義成此外道然執有神我便非寂滅法身爲除彼執明虛空相唯是分別實不可得有見有對待於諸色以心分別說名虛空色旣唯是妄心分別當知虛空亦無有體

彼執我同虛空是常是有今先明所同之空非常非有則能同之我亦必非常非有也有見者以心

分別說名虛空是所緣相故非常也有對者待於諸色於無色處名之爲空是對待法故非有也又色尚唯是妄心分別無有實體虛空無色又豈有實體哉空旣無體則所計同空之我亦無體矣一切境相唯是妄心之所分別若離妄心卽境界相滅唯真如心無所不徧此是如來自性如虛空義非謂如空是常是有

一切境相卽若色若空也境界相滅卽空色俱無也空色俱無豈可妄謂如來同於虛空是常是有

名之爲人我乎

趙僧彌卷五

三

三者如經中說。一切世法皆畢竟空。乃至涅槃真如法亦畢竟空。本性如是。離一切相。凡愚聞之不解其義。卽執涅槃真如法。唯空無物。

此卽計斷滅空之外道也。執此唯空無物境界。以爲涅槃真如。故滅色歸空。得四空定。謂我已證涅槃真如。由其人我見在。所以窮空不歸。便入輪轉。爲除彼執明真如法身。目體不空。具足無量性功德。故

若知真空不空。非但空則尚不取。小乘空證。况取四空以爲我所證乎。

三者如經中說。如來藏具足一切諸性功德。不增不減。凡愚聞已。不解其義。則執如來藏有色心法。自相差別。

一此卽常見外道許我爲能有計。五蘊色心爲我所有。不可除滅也。

爲除此執。明以真如本無染法。差別。雖依業識等差別相立有無邊功德相。而皆同一味一真。離分別相。非是染相。

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

若知真如非是染相。豈應攬此色心以爲我所有乎。  
四者如經中說。一切世間諸雜染法皆依如來藏起。  
一切法不異真如。凡愚聞之不解其義。則謂如來藏  
具有一切世間染法。

此亦常見外道計。一切染法卽我不可復滅也。乃  
至魔王郤留塵勞。恐其銷盡。亦是此見所攝。  
爲除此執明。如來藏從本具有過恒沙數清淨功德。  
不異真如。若大過恒沙數煩惱染法。唯是妄有。本無自

性。從無始來。未曾暫與如來藏相應。若如來藏染法  
相應。而令證會息妄染者。無有是處。

染法依無明。有譬如迷方。謂東爲西。此之迷謂從  
來不與定方相應也。如來藏既本無染。則人我執  
便是染法。不能證會如來藏明矣。

五者如經中說。依如來藏有生歟。得涅槃。凡愚聞之。  
不知其義。則謂依如來藏。生歟。有始以見始。故復謂  
涅槃有其終盡。

此別計如來藏爲心外實法。如冥諦勝性虛空大

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

自在天等而以有生死得涅槃者名之爲人我也爲除此執明如來藏無有初際無明依之生死無始若言三界外更有衆生始起者是外道經中說非是佛教以如來藏無有後際證此永斷生死種子如來藏無始無終生死依之無始有終涅槃依之有始無終藏性如方生死如迷涅槃如覺方外別無迷覺則知人空迷覺之外亦別無方則知法空又藏性如濕生死如水涅槃如水濕外別無濕性何處有受生死證涅槃之人水水之外亦無濕性

何處有起生死成涅槃之法耶初正除我見竟

庚二例破餘見

真空五事是單獨數大乘平等

依人我見四種見生是故於此安立彼四  
彼四謂邊見邪見戒取見取也由不了無我如來  
藏義虛妄計有人我可得然後依之計斷計常名  
爲邊見依之撥無善惡因果名爲邪見依之苦行  
以求解脫名爲戒取依之求生梵天空處等名爲  
見取是故除此人我見已彼四種見皆悉不能自  
安立也初釋人我見竟

(已)二釋法我見二。初明起執之由。二明對治之法  
法我見者。以二乘鈍根世尊但爲說人無我。彼人便  
於五蘊生滅畢竟執著怖畏生死。妄取涅槃。  
凡夫妄計五蘊爲我。我所流轉生死。由其往昔曾  
種二乘善根佛逗彼機爲說五蘊生滅本無人我。  
原不曾說五蘊是實法也。彼自畢竟執著不達五  
蘊本空。所以怖畏生死妄取涅槃。違於大乘平等  
法門。豈如來說法之本意哉。

(庚)二明對治之法二。初正明二釋疑

(辛)今初

爲除此執明五蘊法。本性不生不生故亦無有滅。不  
滅故本來涅槃。若究竟離分別執著。則知一切染法  
淨法皆相待立。是故當知一切諸法從本已來非色  
非心非智非識。非無非有畢竟皆是不可說相。

五蘊本性不生者。譬如目有赤眚。妄見燈光五色  
重疊實無五色生也。物必有生然後有滅。旣本不  
生更何可滅。故云一切衆生。卽涅槃相不可復滅。  
所謂本來自性清淨涅槃。卽生滅是真如體也。若

80 1 2 3 4 5 6 7 8 9 100 1 2 3 4 5 6 7 8 9 100

究竟離分別執著者謂能觀一切妄念無相則爲證得如來智慧從名字證得乃至究竟證得也則知一切染法淨法皆相待立者染謂無明妄念淨謂無漏真如依真有妄依妄顯真所以覺與不覺並屬生滅門攝既相待立便非實有便知生滅即不生滅入真如門從名字知乃至究竟知也言一切諸法者即是染法淨法色法心法智法識法無法有法以要言之五位百法百界千如種種法也從本已來非色非心等者以法法本來皆卽真如。

非俟成佛方融爲真如也且如色卽真如故本卽非色非心非智非識非無非有畢竟不可說相心卽真如故本卽非色非心非智非識非無非有畢竟不可說相乃至有卽真如故本卽非色非心非智非識非無非有畢竟不可說相以要言之於諸染淨法中隨拈一塵皆是本卽非色非心非智非識非無非有畢竟不可說相也唯其一切俱非便能一切俱卽便顯離卽離非是卽非卽之真如矣。

卷二釋疑

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

而有言說示教之者。皆是如來善巧方便。假以言語引導衆生。令捨文字。入於真實。若隨言執義。增妄分別。不生實智。不得涅槃。

疑曰。旣云皆是不可說。相云何復說真如。生滅門等諸言教耶。釋意可知。嗟乎。後世隨言執義。聞說真如受熏。便執真如定。當受熏。聞說真如不受熏。便執真如定。不受熏。甚至分河飲水。可謂增妄分別。不生實智。甚矣。然豈馬鳴護法之正旨哉。二對治邪執竟。

⑦三分別修行正道相者。若知生滅。即是真如。則生佛平等。無修不修。若知真如。舉體生滅。則迷悟天淵。正須於無修不修之中。熾然熏修。而此熏修。卽是無修。非以不修爲無修也。以不修。卽一。是逆修。非同修。卽無修之順修。故然利根者。聞此一心二門妙義。自能不生退屈。不懷上慢。如人飲水。冷暖自知。何勞更爲分別。今爲中下根。人未能隨文入證。歇卽菩提。故爲懸示。從因至果。正修行路也。文爲二。初總標二。各釋。戊今。

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

初

卷之三

分別修行正道相者。謂一切如來得道正因。一切菩薩發心修習。令現前故。略說發心有三種相。一信成就發心。二解行發心。三證發心。

一切如來得道正因。卽所謂十方如來。一門超出妙莊嚴路也。因正則果自正。故須發心修習。令其現前。但略明三種發心因相。不必詳辨果相。以如來果相。前於顯示大乘體相用中。已略明故。

(戊)二各釋三。初釋信成就發心。二釋解行發心。三

釋證發心

(己)初中二。初徵起。二解釋。(庚)今

信成就發心者。依何位修何行。得信成就堪能發心。

(庚)二解釋。二。初釋信成就。二釋發心。(辛)初又二。

二。初正釋成就。二兼釋未成。(壬)今初

當知是人。依不定聚。以法熏習善根力故。深信業果行十善道。厭生死苦。求無上覺。值遇諸佛及諸菩薩。承事供養。修行諸行。經十千劫。信乃成就。從是已後。或以諸佛菩薩教力。或以大悲。或因正法。將欲壞滅。

以護法故而能發心。既發心已入正定聚畢竟不退住佛種性。勝因相應。依不定聚者明其所依位也。淡信業果乃至修行諸行明其所修行也。經十千劫已下明其得信成就堪能發心也。既發心已已下明發心之利益也。言不定聚者統論衆生有三種類一邪定聚謂未種出世善根不信出世正法二正定聚謂發心已上永不退轉三不定聚謂已種出世善根信出世法然於三乘法中未有決定趣向也。若小教中證

須陀洹便名入正定聚今大教中不取此義也。依法熏習善根力者卽是本有新熏二種內因體重及差別平等二種外緣用熏也。淡信業果者總明善根所依也。行十善道者世間善根力也。厭生死苦者出世善根力也。求無上覺者出世上上善根力也。此三善根前不具後後必具前必須具三善根方得信成就也。由三善根以爲勝因又值諸佛菩薩以爲勝緣承事供養修行諸行因緣具足方是大乘初心所修行也。經十千劫者意明從初信

心。二念心。三精進心。四慧心。五定心。六不退心。七  
護法心。八迴向心。九戒心。十願心。具足修行十心  
成就故云十千劫也。東此從前所修諸行以爲其  
因。復藉諸佛菩薩教力爲緣。或藉大悲憫衆生苦  
爲緣。或以護持正法久住爲緣。乃能三心圓發也。  
入正定聚者法身理相應也。畢竟不退者不墮凡  
夫二乘地也。住佛種性者初發心時便成正覺也。  
勝因相應者不生不滅爲本修因。卽是一切如來  
得道正因也。

①二兼釋未成

或有衆生久遠已來善根微少煩惱深厚覆其心故  
雖值諸佛及諸菩薩承事供養唯種人天受生種子  
或種二乘菩提種子或有推求大菩提道然根不定  
或進或退此明善根微少煩惱深厚之人雖遇勝緣不能發  
大乘心也。善根自有三乘一乘之不同煩惱又有  
界內界外之差別一一善根對彼一一煩惱各作  
四句料簡或善根多煩惱薄或善根多煩惱厚或

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

善根少煩惱薄或善根少煩惱厚萬別于差不可  
一概皆是不定聚攝  
或有值佛及諸菩薩供養承事修行諸行未得滿足  
十千大劫中間遇緣而發於心遇何等緣所謂或見  
佛形相或供養衆僧或二乘所教或見他發心此等  
發心皆悉未定若遇惡緣或時退墮二乘地故  
值佛菩薩修行諸行可謂有因有緣矣特以未滿  
十千大劫十心未圓故雖遇緣發心未能卽入正  
定聚也若使十千劫滿則見相供僧等緣並可發

心入正定聚勿謂此緣非好緣也但由積因力弱  
故與大悲護法二種發心不同故遇好緣則能發  
心設遇惡緣或能退墮二乘地也初釋信成就竟  
㊂一釋發心三初釋所發之心二釋發心之行三  
釋發心之益 ㊃初中二初正釋二釋疑 ㊄

今初  
復次信成就發心略說有三一發正直心如理正念  
真如法故二發深重心樂集一切諸善行故三發大  
悲心願拔一切衆生苦故

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

真如乃是一切行本。不念真如而集諸善。善無由集。縱有種種善行。並成有漏有爲。不念真如而拔衆苦。苦無由拔。縱令緣念衆生。祇足起愛起見。故須首發正直心也。真如本具無邊功德理。須顯發故順真如。發深重心。真如即是衆生心性。悞物迷此。故順真如。發大悲心也。正直心。卽正因理心。發成法身德。深重心。卽了因慧心。發成般若德。大悲心。卽緣因善心。發成解脫德。三心圓發。不縱橫。不並別。不可思議。故曰。初發心時。便成正覺。所有慧。

身不由他悟。清淨妙法身。湛然應一切也。

卷二 穪疑

問。一切衆生。一切諸法。皆同一法界。無有二相。據理但應正念真如。何假復修一切善行。救一切衆生。答。不然。如摩尼寶。本性明潔。在鑽穢中。假使有人勤加憶念。而不作方便。不施功力。欲求清淨。終不可得。真如之法。亦復如是。體雖明潔。具足功德。而被無邊客塵所染。假使有人勤加憶念。而不作方便。不修諸行。欲求清淨。終無得理。是故要當集一切善行。救一切。

衆生離彼無邊客塵垢染顯現真法。先引喻後法合文並易知初釋所發之心竟謂  
城(1)二釋發心之行。雖問禪具呈以說而無無異答。彼方便行略有四種。一行根本方便謂觀一切法本性無生離於妄見不住生死。又觀一切法因緣和合業果不失起於大悲修諸善行攝化衆生不住涅槃以真如離於生死涅槃相故此行隨順真如以爲根本是名行根本方便。

此卽以所發正直心而爲方便行也。不住生死是

奢摩他觀不住涅槃是毘鉢舍那觀止觀一心中修乃順真如法性故名行根本方便

二能止息方便所謂慚愧及以悔過此能止息一切惡法令不增長以真如本離一切過失相故隨順真如止息諸惡是名能止息方便三增長善根方便謂於三寶所起愛敬心尊重供養頂禮稱讚隨喜勸請正信增長乃至志求無上菩提爲佛法僧威力所護業障清淨善根不退以真如本離一切障具一切功德故隨順真如修行善業是名生長善根方便

此二卽以所發深重心而爲方便行也。欲長善根  
先須息惡。故於一深重心分此二種方便。皆爲隨  
順真如性故。文並可知。見卷之六。去留與來。對  
四大願平等方便。謂發誓願盡未來際平等救護一  
切衆生。令其安住無餘涅槃。以知一切法本性無二  
故。彼此平等故。究竟寂滅故。隨順真如此三種相發  
大誓願。是名大願平等方便。

此卽以所發大悲心而爲方便行也。無餘涅槃者。  
小乘則指灰身泯智言之。今指二死永亾言之。知

一切法本性無二。則於衆生不起上中下想。知一  
切法。彼此平等。則於衆生不起怨親等想。知一切  
法究竟寂滅。則於衆生不起用小化想。皆亦隨順  
真如性故。此四方便。並是稱性起修全修顯性。未  
發心前。由此方便而得發心。旣發心後。由此方便  
而階極果。故名一切如來得道正因也。二釋發心  
之行竟。

⑤三釋發心之益三。初約實明能。二約權簡過。三

音義以實破權

癸今初

菩薩如是發心之時。則得少分見佛法身。能隨願力現八種事。謂從兜率天宮來下。一入胎。二住胎。三出胎。四出家。五成佛。六轉法輪。七般涅槃。八

卽華嚴初發心時便成正覺之義也。分破無明。分證真如。故云少分見佛法身。既見法身便能八相成道。所謂清淨妙法身。湛然應一切也。八相開合。出沒不同。並是隨機所見。不必約此以判佛之權實。以所證法身非有權實數量可思議故。

卷之三 約權簡過

然猶未得名爲法身。以其過去無量世來有漏之業。未除斷故。或由惡業受於微苦。願力所持。非久被繫此。約漸教所明。初發心住。僅斷界內見惑與小乘初果齊。所以或猶有微苦也。然初果便爲生死海而作邊際。極遲不過七生。永出苦輪。况發心菩薩。菩提願力所持。豈久被業繫哉。問。玩文中然猶二字。卽指八相成道之人。何得別作漸教釋之。答。發心名同權實。迥異前明。八相意指入正定聚者。今明微苦意指。或時退墮二乘地者。故也。

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

有經中說。信成就發心菩薩或有退墮惡趣中者。此爲初學心多懈怠不入正位。以此語之令增勇猛。非如實說。人財力道丈人皆得聞此教。菩薩等之菩薩。此明雖漸教中初發心住已斷見惑與初果齊亦無退墮惡趣之事。不過權說以策初學耳。或復退墮二乘地中。則容有之也。問。有經中說。舍利弗在昔已曾證六住心。由婆羅門乞眼因緣退失大心。仍復流轉五趣。此云何通。答。復有經說。舍利弗等大弟子。並是法身漢位大士。示作聲聞。引物歸化。

則示墮正爲警策。初學何足疑也。二約權簡過竟卷三。以實破權

又此菩薩一發心後。自利利他修諸苦行。心無怯弱。尚不畏墮二乘之地。況於惡道。若聞無量阿僧祇劫勤修種種難行苦行。方始得佛。不驚不怖。何況有起二乘之心。及墮惡趣。以決定信一切諸法。從本已來。性涅槃故。

此正明頓教初發心人。卽已住正定聚。畢竟不退也。蓋不唯初發心住有此勝力。但得決定實信。知

一切法本性涅槃亦不同權教發心或墮二乘矣。

初釋信成就發心竟

(已)二釋解行發心者。夫論稱性圓修。則卽信卽解。卽行卽證。故云初阿字中。卽具一切諸字功德。縱分四十二位。譬如入海而論淺深淺深皆海。豈有無解行證而可名信。豈令解行與證定居信後。特以實位難測。寄權易明。故次信而辨解行也。文爲二。初明位。二明行。

(庚)今初

解行發心者。當知轉勝初無數劫。將欲滿故。於真如

中得湊解。故修一切行。皆無著。故

約圓融論。祇點信成就中。四方便行。而爲六度。謂此中隨順法性。卽行根本方便。此中離慳貪。相離五欲境等。卽能止息方便。此中修行施戒等。卽生長善根方便。此中六波羅密。必爲度脫衆生。卽大願平等方便也。今一往姑約漸次論之。故云轉勝耳。初無數劫。將欲滿者。資糧成就。將入加行位也。於真如中得湊解者。二觀爲方便道得入中道第一義觀也。修一切行。皆無著者。謂廻事向理。乃至

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

廻因向果。不著三有。不著二乘也。

(庚)二明行

此菩薩知法性離慳貪相。是清淨施度。隨順修行檀那波羅密。知法性離五欲境。無破戒相。是清淨戒度。隨順修行尸羅波羅密。知法性無有苦惱離瞋恚相。是清淨忍度。隨順修行羼提波羅密。知法性離身心相。無有懈怠。是清淨進度。隨順修行毗梨耶波羅密。知法性無動無亂。是清淨禪度。隨順修行禪那波羅密。知法性離諸癡闇。是清淨慧度。隨順修行般若波羅密。知法性離慳貪等。是解。隨順修行檀那等。是行也。

羅密

知法性離慳貪等。是解。隨順修行檀那等。是行也。梵語檀那。此翻布施。尸羅。此翻戒。羼提。此翻忍。毘梨耶。此翻精進。禪那。此翻靜慮。亦翻思惟修。般若。此翻慧。亦翻智。修六度。相真如。華嚴十廻向品所明。或是分真解行。或是相似解行。分真則唯約實。相似則雙約權實。當以圓融行布二義思之。二釋解。行發心竟。

(己)三釋證發心二。初明分證。二明滿證

(庚)初中

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

二。初明所證。一明心相。④初又二。初明證體。

二明起用。⑤今初

證發心者從淨心地乃至菩薩究竟地。證何境界所謂真如。以依轉識說爲境界。而實證中無境界相。此菩薩以無分別智證離言說真如法身故。

淨心地者約權卽初歡喜地約實卽初發心住也。究竟地者卽十地後心亦名等覺地也。以依轉識說爲境界者轉第六爲妙觀察智轉第七爲平等性智。衆生所有第六第七必有所緣境界所以依

之。假說所證爲境界也。而實證中無境界相者以真如無相可取正智不取於相挾帶真如體相爲所緣緣非是變帶真如相狀爲所緣緣故也。此菩薩以無分別智者明其有見分也。證離言說真如法身者明其無相分也。正與護法唯識融合思之思之間若依實說初發心住卽名淨心地者前發心中但云少分見佛法身。今云證離言說真如則無身。文旨頑異云何會通答前爲兼明權實故但云少分見今則權證同實故也。又約所證真如則無

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

分劑。若約能證之智仍有分滿不同。雖有分滿皆是無分別智。如初夜月與望夜月光相不異也。

## (三)二明起用

能於一念徧往十方一切世界供養諸佛。請轉法輪。唯爲衆生而作利益。不求聽受美妙音詞。或爲怯弱衆生。故示大精進。超無量劫。速成正覺。或爲懈怠衆生。故經於無量阿僧祇劫。久修苦行。方始成佛。如是示現無數方便。皆爲饒益一切衆生。而實菩薩種性諸根發心。作證皆悉同等。無超過法。決定皆經三無

數劫成正覺故。但隨衆生世界不同。所見所聞根欲性異。示所修行種種差別。 •

未證法身已前。縱令下化衆生。皆是上求佛道。以自利利他種種方便。皆爲證會真如體故。已證法身之後。縱令上求佛道。皆爲下化衆生。則如今文所明也。種性同等者。具足本有聞熏二種子也。諸根同等者。六處殊勝無差別也。發心同等者。同發三心也。作證同等者。同證真如也。未發心前。容有善根深淺。煩惱厚薄。諸根利鈍。方便勤惰之不同。

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

旣發心後。入同生性。無功用道。決無差別。但由衆生根欲性異。故示現有差別耳。言三無數劫者。時無實法。唯依妄想建立。且如俗傳黃梁一夢。便同四十餘年。世上千年。山中不過七日。又如經中。仙人執善財手。便歷微塵數劫。讚佛五十小劫。大眾謂如半日。是知非約凡情所計年月日時。以談劫量也。良由無始無明。雖無實體。而返迷歸悟。似有階差。縱令演若。歇狂本頭如故。而喘息亦必久久方安。狂風頓息。大海安瀾。而微波亦必久久方定。

太陽一出。暮霧頓收。而潤濕亦必漸漸方除。阿伽一服萬病。頓祐而精力亦必漸漸方復。久客到家。行程頓息。而家庭事務亦必次第料理。聖王登極。大業頓定。而政治禮樂亦必次第敷陳。故於真如無時劫中。依生滅門而立三無數劫。謂初發心住至十廻向。名初無數劫。初歡喜地。至七遠行地。名二無數劫。八不動地。至等覺位。名三無數劫。至於較量劫量。則或約所承事佛。以明分劑。或約天衣拂石。以明久遠。事非一概。又就三無數劫論。行相

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

者或云伏惑未斷或云斷正扶習或云次第除惑  
或云因該果海皆是悉檀隨機利益豈可定執今  
云皆悉同等乃約因該果海者以論三祇祇彼謂  
三僧祇一念能越之大慢魔見耳須知十世古今  
始終不離當念故前文云若聞無量阿僧祇劫勤  
修種種難行苦行方始得佛不驚不怖以決定信  
一切諸法從本已來性涅槃故豈執三祇爲漸一  
念爲頓耶言根欲性異者過去所成名根或有利  
或有鈍現在所欣名欲或喜速或喜遲未來種子

名性或已熟或未熟也初明所證竟

辛二明心相

此證發心中有三種心一真心無有分別故二方便  
心任運利他故三業識心微細起滅故

・真心者六七二識相應之根本智也無有分別者  
念念證真也方便心者六七二識相應之後得智  
也任運利他者念念起用令前五識同成化用也  
業識心者第八異熟識也微細起滅者無明種子  
猶未盡故以智內熏令其漸減智種分起惑種分

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

滅。正所謂不思議變易生死之相也。此中真心。卽是前正直心。此方便心。卽前深重大悲兩心。此業識心。卽前三心之根本依。前明信成就發心。單約能發。故三心皆是妙觀察智之功。今明證中所有心相義兼能所。故與前有開合詳略之不同也。初明分證竟。

(庚)二明滿證二。初依權示相。二依實釋疑。 (辛)今

初。

又此菩薩福德智慧二種莊嚴悉圓滿已。於色究竟。

得一切世間最尊勝身。以一念相應慧頓拔無明根具一切種智。任運而有不思議業。於十方無量世界普化衆生。

福德智慧所依。卽真如體。一種莊嚴圓滿。卽真如相。體相圓顯。大用現前。故能示成正覺也。又智慧所證。卽真如體。體徧法界。智慧圓滿。卽真如相。相。徧法界。福德圓滿。卽真如用。用。徧法界。體徧法界。則法身周徧法界。相徧法界。則報身周徧法界。用徧法界。則化身周徧法界。故曰。一人成佛時。法界

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

皆爲一佛之依正。雖無障礙。亦仍無雜。以真如性常同常別。不思議故。是則無明永盡成種智時。無所不在。亦無所在。今言於色究竟得最勝身。何耶。蓋諸佛自受用身。冥同法性。等覺已下。所不能見。淨心地上菩薩。托此自受用身本質。變爲他受用身影相。則見踞蓮華臺諸佛圍繞。隨所堪任。隨所頗樂。見各差別。皆無斷絕。乃至等覺方能盡其分量。故前文云見之方盡也。著未登淨心地。則華臺報佛非彼境界。故於色究竟天示成菩提。此卽梵

綱經所明千華上佛爲接界內利根。令見界外佛故。至於博地。凡夫雖有具有一乘三乘。若頓若漸無量種性。而未得四禪。未離欲繫。則色究竟身亦非彼境。故又示從兜率下闇浮提。坐菩提樹成等正覺。此卽梵綱經所明千百億釋迦爲化界內鈍根及雖利根未離欲繫者。故然此色天大化。闇浮小化。並是真如用。太並卽真如體相。所以華嚴經中。卽此摩耶夫人所生之佛。便具十身相海。非可撥去化身。別尋法報也。當知初發心住。既能示現。

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

閻浮八相。亦必能示色究竟身。今究竟位。既能示現色究竟身。亦必示現閻浮八相。但前明發心位。淺姑寄閻浮。今明究竟位深。姑寄四禪耳。一念相應慧者。旣指無始不覺爲藏識中無明種子。由藏識中無明種子未盡。所以不與別境中慧相應。今由曠劫無漏熏修。滅彼無始無明種子至都盡位。則第八淨識。忽與慧所相應。名爲大圓鏡智。從此一相應後永得相應。故曰頓拔無明根。具一切種智也。只此大圓鏡智。與前平等性智。妙觀察智。并

與果後成所作智。俗故相有別。不壞相故。說四說八。真故相無別。唯是如如智。此如如智。無法不知。無法不見。故名一切種智。亦名佛之知見。亦復名佛眼也。問。旣云無所不在。則初二三禪。亦可成佛。何必定在色究竟天。答。此有二義。一者華嚴明第十一地菩薩位。寄四禪。卽於此處示成佛故。二者將成佛時所入金剛喻定。必依捨俱禪故。

④二依實釋疑二。初釋一切種智疑。二釋任運利生疑。

⑤今初

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

問。虛空無邊故。世界無邊。世界無邊故。衆生無邊。衆生無邊故。心行差別亦復無邊。如是境界無有齊限。難知難解。若無明斷。永無心相。云何能了一切種成一切種智。答。一切妄境從本已來。理實唯一心爲性。一切衆生執著妄境。不能得知一切諸法第一義性。諸佛如來。無有執著。則能現見諸法實性。而有大智。顯照一切染淨差別。以無量無邊善巧方便。隨其所應利樂衆生。是故。唯其妄念心滅。乃了一切種成一切種智。

現見諸法實性者。根本智證真也。顯照染淨差別者。後得智照俗也。了俗由證真。故說爲後得。如眼除膜。見空見色。非果有先後也。餘並可知。

①二釋任運利生疑。

問。若諸佛有無邊方便。能於十方任運利益諸衆生者。何故衆生不常見佛。或覩神變。或聞說法。答。如來實有如是方便。但要待衆生其心清淨。乃爲現身。如鏡有垢。色像不現。垢除則現。衆生亦爾。心未離垢。法身不現。離垢則現。

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

走行家經五

文亦可知。問。但離心垢便見法身。何須念佛觀佛。  
稱名禮拜等。答。佛是先證我心性者。念之。稱  
實之禮之。皆是除心垢之妙方便也。三解釋分竟。

大乘起信論裂網疏卷第五

聞普滿印首無學文更請於十六劫裏據蓋前東

①二釋分題解卷五

第廿四釋題解卷五

第廿五釋題解卷五

第廿六釋題解卷五

大乘起信論裂網疏卷第六

靈峰萬益沙門智旭述

⑦四修信分二。初正明修習信心。二更示勝異方

時時便。⑧初中二。初徵一釋。⑨今初

云何修習信分。此依未入正定衆生說。何者爲信心。  
云何而修習。

前文分別修行正道相中。明發心已入正定聚。雖  
亦略示不定位中所修之行。然未詳明。故今特爲  
初機更示之也。

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

①二釋二初釋信心二釋修習

戊今初

信有四種。一信根本。謂樂念真如法故。二信佛具足無邊功德。謂常樂頂禮恭敬供養。聽聞正法。如法修行。廻向一切智故。三信法有大利益。謂常樂修行諸波羅密故。四信正行僧。謂常供養諸菩薩衆。正修自利利他行故。

信根本者。真如卽是一切三寶根本。謂我現前介爾心性。離虛妄相。平等平等。卽真如體。太名爲法寶。雖復覓之了不可得。而性自神解。靈明不昧。卽

真如相。太名爲佛寶。一切色心依正十方虛空。千如百法。並此介爾心中所現之影。與<sub>能</sub>現心無是非是。不可分離剖析。卽真如用。太名爲僧寶。究竟證此一心三寶名之爲佛。所以具足無邊功德。必應頂禮恭敬供養。聽聞所說正法。如法修行。廻向一切智也。證此一心三寶名爲教法。修此一心三寶名爲行法。證此一心三寶名爲果法。所以有大利益。必應依教起修。依修作證。常樂修行諸波羅密也。隨分證此一心三寶名之爲正行僧。故於他

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

菩薩衆必常供養。自亦正修二利之行。入於僧數中也。言供養善薩衆者。此有二意。一約權漸初機誠令遠。二乘衆恐染法執墮其地故。二約圓頓初機已知二乘定當作佛。總名爲菩薩故。

(戊)二釋修習。二初總標。二別釋。①今初修五門行。能成此信。所謂施門。戒門。忍門。精進門。止觀門。此卽六波羅密。從初卽是隨順真如之行。而作五門說者。若至信成就後。則一一皆到彼岸。無有不

智之禪。無有不禪之智。故不妨說六。今爲未入正定聚人。倘以止觀分二門。無由契會真如性故。所以合爲一也。當知前四門是助行。止觀門是正行。正助合行。以成福德智慧二種莊嚴。顯發真如也。

(己)二別釋五。初釋施門。至五釋止觀門。②今初

云何修施門。謂若見衆生來從乞求。以已資財。隨力施與。捨自慳著。令其歡喜。若見衆生危難逼迫。方便救濟。令無怖畏。若有衆生而來求法。以已所解。隨宜爲說。修行如是三種施時。不爲名聞。不求利養。亦不

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

食著世間果報。但念自他利益安樂。迴向阿耨多羅三藐三菩提。

隨力施與者。未入正定聚人。未可責以竭盡施等。但得捨自慳著。以破惡令他歡喜。以生善節名爲財施也。方便救濟。卽無畏施。以已所解。隨宜爲說。卽是法施。言已所解。則決非強不知以爲知。言隨宜說。則決能隨順四悉僧意。若說法不當機。則所說爲非量矣。不爲名聞利養。是斷現在有漏。不著世間果報。是斷未來有漏。此二卽是迴事向理。但

念自他利益安樂。卽是迴自向他。迴向阿耨菩提。

卽是迴因向果。隨修一一行時。皆悉具此三種。迴向方得成就波羅密義。故特首於施門示之。當知

五門無不皆爾。

庚二釋戒門

云何修戒門。所謂在家菩薩。當離殺生偷盜邪淫妄言兩舌惡口。綺語。憍貪嗔嫉。誑詬。見若出家者。爲欲折伏諸煩惱。故應離憍鬧。常依寂靜修習。止足頭陀等行。乃至小罪心生大怖慚愧悔責。護持如來所

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

制禁戒。不令見者有所譏嫌。能使衆生捨惡修善。  
 在家戒品十善收盡。離殺生則慈護有情。蜎飛無  
 損。離偷盜則一針一草不與不取。離邪淫則於已  
 妻妾作知足想。離妄言則所言誠實。一切不欺。離  
 兩舌則隱惡揚善。不傳彼此。離惡口則永無粗廣  
 令他喜樂。離綺語則言皆有義。不生放逸。離慳貪  
 則常思惠捨。無所希求。離瞋嫉則不爲損惱。隨喜  
 他榮。離詬詬邪見則忠良正直。深信因果。是以惡  
 無不止。善無不行。生無不攝。卽爲三聚淨戒也。出

家戒品卽是沙彌十戒。比丘二百五十戒等。並入  
 大乘菩薩戒攝。若不護持佛所制戒。旣非白衣。又  
 非沙門。無所目也。旣非小乘。又非大乘。無所歸也。  
 常依寂靜者。謂住阿蘭若處也。止足頭陀等行者。  
 頭陀亦云杜多。此翻抖擗。有十二知足勝行。一者  
 住阿蘭若處。二者常行乞食。三者次第乞食。四者  
 受一食法。五者節量食。六者中後不飲果漿蜜漿  
 等。七者著糞掃衣。八者但三衣。九者塚間住。十者  
 樹下止。十一者露地坐。十二者但坐不臥。此十二

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

行名爲端嚴微妙之行。西土初祖摩訶迦葉終身行此勝行。佛於天人大衆之中讚云。正法久住全賴此人。所以分半座而令坐付法眼以傳心也。乃至小罪心生大怖者。譬如渡海浮囊設損一微塵。許亦有沉溺之患。故須慚愧悔責補過遷善也。慚則尊重已靈。本與如來無二無別。如何肯使放逸爲非。愧則念我瑕疵。佛菩薩等悉知悉見。如何覆藏而不改革。是以自悔自責止惡行善。能令衆生不生譏嫌。卽便使其捨惡修善。故知十戒及其戒。

等。一一皆是三聚淨戒。一一皆是摩訶衍也。

庚 三釋忍門

云何修忍門。所謂見惡不嫌。遭苦不動。常樂觀察甚深句義。

見惡不嫌。生忍也。亦名耐怨害忍。遭苦不動。法忍也。亦名不受苦忍。常樂觀察甚深句義第一義忍也。亦名諦察法忍。

庚 四釋精進門二。初總明精進意。二別示精進法。

辛 今初

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

云何修精進門。所謂修諸善行。心不懈退。當念過去無數劫來。爲求世間貪欲境界。虛受一切身心大苦。畢竟無有少分滋味。爲令未來遠離此苦。應勤精進。不生懈怠。大悲利益一切衆生。

修諸善行者。通則六度四攝。別則四種三昧。所謂常行三昧。如般舟等。常坐三昧。如一行等。半行半坐三昧。如法華等。非行非坐三昧。如覺意等也。心不懈退者。總明三種精進也。當念過去等者。被甲精進也。爲令未來等者。攝善精進也。大悲利益等。

者利樂精進也。

(辛)二別示精進法

其初學菩薩雖修行信心。以先世來多有重罪惡業障。故或爲魔邪所憚。或爲世務所纏。或爲種種病緣之所逼迫。如是等事爲難非一。令其行人廢修善品。是故宜應勇猛精進晝夜六時禮拜諸佛供養讚歎懺悔。勸請隨喜廻向無上菩提發大誓願。無有休息。令惡障消滅。善根增長。

此卽普賢十大願王。亦卽占察經中地藏大士所

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

示懺法亦卽法華方等諸三昧中十科行道法也。  
 言十願者一禮敬諸佛二稱讚如來三廣修供養  
 四懺悔業障五隨喜功德次第小異並皆可知六  
 請轉法輪七請佛住世卽今勸請所攝八常隨佛  
 學九恒順衆生卽今發願所攝十普皆迴向卽今  
 韻向無上菩提也言十科者一嚴道場二淨三業  
 乃至十坐禪等諸三昧儀開合不同詳略有異此  
 未暇述唯供養讚歎禮拜必具有之而懺悔已下  
 五事合爲一科總名五悔謂懺悔能滅業障勸請

能滅魔障隨喜滅嫉妒障迴向能滅著二邊障發  
 願能滅多退忘障故名五悔也旣云六時行道必  
 須理事並資方克有濟慎勿師心苟簡尤勿借此  
 邀利邀名庶令惡業障消善根增長耳問若人已被  
 被魔邪所惱世務所纏病緣所逼如何得修此勝  
 行耶答此中文意原是勸使及時精進勿令魔邪  
 世務病緣得其便耳然設被魔邪所惱若能依法  
 精進則魔事必除設被世務所纏卽須撥遣世務  
 修此精進設被病緣所逼亦須不惜身命修此精

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

進。如慈雲大師忍苦修行。請觀音懺。不唯除病。兼獲勝辯。芳軌具存。誠可依用。又設大病伏枕。不能起坐。亦有覺意三昧。良可進修。或復卽於臥時。運想修行。此供養等。晝夜六時。存心不懈。如念佛直指所示。涉事兼修之法。病中亦可准用。必能滅障。增長善根。又或依下文專念阿彌陀佛。亦得解脫也。四釋精進門竟。

(庚)五釋止觀門。三初總標。一各釋。二結益。 (辛)今初

云何修止觀門。謂息滅一切戲論境界是止義。明見因果生滅之相。是觀義。初各別修。漸次增長。至於成就住。運雙行。

息滅一切戲論境界者。謂息滅見思戲論。塵沙戲論。無明戲論。見思戲論息則。一切有境界滅。塵沙戲論息則。一切空境界滅。無明戲論息則。一切亦有亦空。非有非空。境界滅隨順。一心真如門也。明見因果生滅之相者。謂明見無明因生。則十界果生。無明因滅。則十界果滅。塵沙因生。則二乘果生。

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

塵沙因減則二乘果滅。見思因生則六凡果生。見思因減則六凡果滅。隨順一心生滅門也。一心二門本不相離。一心止觀亦無先後。但約初機之人久隨生滅未達真如。故須先修卽觀之止。名爲奢摩他觀。令觀生滅即是真如。對治生死涅槃執著。次修卽止之觀。名爲毘鉢舍那。令觀真如舉體生滅增長善根及與大悲。如此展轉互修漸令增長。若至發心住中真實止觀成就。自然任運雙行也。

②二各釋三初釋止。一釋觀。三釋雙行。③初中

三初明修相。二明證相。三勸修。④初又二初方便。二正修。三揀成不咸。⑤今初

其修正者。住寂靜處。結跏趺坐。端身正意。此文雖略。已含二十五前方便。住寂靜處。即是阿蘭若處。卽攝具五緣也。結跏趺坐。必調五事。端身正意。卽訶五欲乘。五蓋行五法也。具如大小止觀須者尋之。無出生當無不下學。文不著此實也。

⑥二正修

不依氣息。不依形色。不依虛空。不依地水火風。乃至

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

不依見聞覺知

此先揀所觀之境也不依氣息者謂一切氣息來無所從去無所至當體不可得故故不依此以修阿那般那三昧以阿那般那不可得故即是摩訶衍也不依形色者謂一切形色分析乃至微塵皆無所有故不依此以修九想十想八背捨等諸定以九想乃至八背捨皆不可得故皆卽摩訶衍也不依虛空者謂對色名空色尚非有云何有空故不依此以修空一切處三昧以空三昧不可得故

卽是摩訶衍也不依地水火風者謂推析地無堅性水無濕性火無熱性風無動性當體不可得故故不依此以修勝處一切處等三昧以勝處一切處等不可得故卽是摩訶衍也乃至不依見聞覺知者謂由色聲香味觸法境界說有見聞覺知今推所見所聞等並非實有則能見能聞等安得有實故不依此以修識一切處三昧以識三昧不可得故卽是摩訶衍也

一切分別想念皆除亦遣除想

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

此次揀能觀之心也。前云不依氣息乃至不依見聞覺知。卽是一切分別想念皆除也。然所謂不依氣息等者。直是了達氣息乃至見聞覺知本不可得。除此分別氣息乃至覺知之想念耳。非謂果有氣息乃至覺知而作意蠲除之也。若有蠲除之想。卽是不達諸法本空。或墮外道無想定中。或墮二乘滅盡定中。非是大乘奢摩他觀。故云亦遣除想以一切法不生不滅皆無相故。

此結明不依諸法亦無除想之所以也。一切法者

卽指氣息乃至見聞覺知也。氣息本來不生不滅。本來無相。故無可依。亦無可除。乃至見聞覺知本來不生不滅。本來無相。故無可依。亦無可除也。前心依境次捨於境。此結明不依氣息一段文義也。後念依心。復捨於心。此結明一切分別一段文義也。以心馳外境攝在內心。此申明前一段文意也。

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

後復起心。不取心相。

此申明後一段文意也。

以離真如不可得故。

此結成修止門者。應觀一切妄念無相體即真如。設離真如則無氣息乃至見聞覺知可得。所以不依氣息乃至見聞覺知。設離真如亦無除想可得。所以亦遣除想也。原此奢摩他觀初段卽攝境歸心。明氣息形色等。唯是分別想念所見本非實有。故無可依次段卽觀心無相明此所除分別想念。

亦本非有故名爲遣見則所觀能觀。一皆無性。故前文云。若知動心卽不生滅卽得入於真如門也。此爲上根直示觀不思議境界之法。若能於此悟入則一法中自具十乘以其能覺悟故。卽菩提心。以其離沉掉故。卽妙止觀。以其無法當情。卽破法真徧以其了知能觀所觀皆卽真如。卽識通塞。以其順三脫門卽成道品。下云行住坐臥。一切時修。卽成對治。漸次得入真如三昧。卽知次第。究竟折伏一切煩惱。卽能安忍。信心增長速成不退節離法。

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

愛也。二正修竟

走信弘經六

③三揀成不成。入真吸三氣。唱吸火。口宣真言。補

行住坐臥於一切時。如是修行。恒不斷絕。漸次得入真如三昧。究竟折伏一切煩惱。信心增長。速成不退。此明依前所說而勤修之。必得成就也。若心懷疑惑。誹謗不信。業障所纏。我慢懈怠。如是等人。所不能入。直云釋迦牟尼佛。菩薩。大士。菩薩。一一疑惑。二誹謗。不信。三業障所纏。四我慢。五懈怠。有一於此。即不能入。可不慎哉。初明修相竟。

癸二明證相。二初正明證相。二辨析魔事 ④今

初。

復次依此三昧證法界相。知一切如來法身與一切衆生身平等無二。皆是一相。是故說名一相三昧。若修習此三昧能生無量三昧。以真如是一切三昧根本處故。

法界相。卽真如體。無相不相之實相也。心佛衆生三無差別。故名一相三昧。梁本名一行三昧。約所證名。一相約能證名。一行當知一行卽一相也。文

80 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

殊般若所示一行三昧。正與此同。亦卽大佛頂首

楞嚴王三昧。亦卽法華實相三昧。此是三昧中王

故能生無量三昧也。

⑤二辨析魔事二。初示魔事相。二示對治法。⑥

初中三初明致魔之由。二明魔事之相。三明魔亂之失。⑦今初

或有衆生善根微少爲諸魔外道鬼神惑亂。

不種善根則此三昧名字不可得聞。况能修習。能修習此當知是人必有善根。但善根深厚則彼魔

事無由得發。如日輪當空必無魑魅。由善根微少乃致魔亂。所以前文勗令修行五悔也。

⑧二明魔事之相。二。初辨形聲。二辨起過。⑨今

或現惡形以怖其心。或示美色以迷其意。或現天形或菩薩形乃至佛形。相好莊嚴。

此先辨魔所現形也。若行人恐怖習重多現惡形以怖之。若行人貪愛習重多現美色以迷之。若行人智慧力弱多現諸天菩薩佛形以誑之。皆所謂

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

主人若迷客得其便也。問修三昧人得見佛菩薩形安知不是善根開發感應道交乃概名之爲魔事耶。荅圓覺經云非彼所聞一切境界終不可取良以行人修三昧時所見境界若與三昧相應名善相只此善相仍不可作聖解苟不與三昧相應定屬魔事今修根本真如三昧旣非念佛禮懺求感應時更不可作感應道交妄解坐受其惑也或說總持或說諸度或復演說諸解脫門無怨無親無因無果一切諸法畢竟空寂本性涅槃

此隨辨假佛菩薩等所說魔聲也正修三昧之人不依氣息不依形色乃至亦遣除想當知亦並不依總持不依諸度不依諸解脫門乃至不依本性涅槃才依本性涅槃必將撥棄因果妄計空劫已前威音那畔一段烏有先生境界喚作真如三昧豈所謂若知動心卽不生滅卽得入於真如者耶初辨形聲竟

卯二辨起過

或復令知過去未來及他心事辯才演說無滯無斷

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

使<sup>ト</sup>其貪著名譽利養

此下皆明見魔形聞魔聲所起一切過失相也。今光明似善根相然此修行止者唯爲息滅無始無明證無漏智不應希求五通四辯今未得無漏先獲宿命他心及辯才等則必墮在名利坑中如提婆達修得五通遂造三逆可爲殷鑒矣或數嗔數喜或多悲多愛或恒樂昏寐或久不睡眠或身嬰痾疾或性不勤策或卒起精進卽便休廢或情多疑惑不生信受或捨本勝行更修雜業愛著世

事溺情從好

此明雜染不定諸魔相也或改其所習令以爲奇長或順其所習令不能捨廣如佛頂受想二陰中說或令證得外道諸定一日二日乃至七日住於定中得好飲食身心適悅不饑不渴示羸事甘實

此亦似善根相實是邪定非出世定也或復勸令受女等色或令其飲食乍少乍多或使其形容或好或醜此亦雜染不定諸魔相也二明魔事之相竟

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

(寅)三明魔亂之失

走信多編六

若爲諸見煩惱所亂。卽便退失往昔善根。

兩種似善根相則爲諸見所亂。必起煩惱。兩種不定雜染則爲煩惱所亂。亦起諸見。並彼往昔微小善根亦退失矣。可不哀哉。初示魔事相竟。

五(甲)二示對治法一初治邪。二歸正。三寅今初是故宜應審諦觀察當作是念此皆以我善根微薄業障厚重爲魔鬼等之所迷惑如是知已念彼一切皆唯是心。如是思惟剎那卽滅。

對治有三。一是方便。一是正修。二方便者。一是審諦觀察覺知。皆是魔事。不生一念迷亂心也。二是自念善根微薄業障深重。反躬責已悔過遷善也。一正修者。念彼一切皆唯是心。心外無法。不離一相三昧也。

(寅)二歸正。一付贊。二付轉。三付貴。四付大靜。遠離諸相入真三昧。心相旣離真相亦盡。棄其體始於尋思名義。自性差別。發如實智也。心相旣離者。

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

得無分別智也。真相亦盡者觸無所得也。其如唯識加行通達二位廣明須者尋之。從於定起見諸煩惱皆不現行。以三昧力壞其種故。殊勝善品隨順相續。一切障難悉皆遠離。起大精進。恒無斷絕。

此明善修止者。不唯遠離魔事。卽能登發心住。入淨心地。圓具奢摩他毘鉢舍那也。二明證相竟。

(卷)三勸修二。初、正勸。二、明益。一、子今初

若不修此三昧行者。無有得入如來種性。以餘三昧

皆是有相與外道共不得值遇佛菩薩故。是故菩薩於此三昧當勤修習令成就究竟。餘三昧者。指依氣息形色等諸三昧也。雖六妙門。十六特勝。九想。十想。背捨勝處。一切處等種種三昧。皆能發無漏慧。證三乘果。然必已發無漏方不與外道共。若未發無漏。或亦隨禪受生。則與外道相去無幾。乃至九次第定。前八亦並與外道共。滅受想定。雖云不共。仍依有頂遊觀無漏而入。未是全不共也。又雖得滅盡定。若未斷盡上地思惑。仍

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

生五不還天。仍與外道同在捨念清淨地中。不得值遇諸佛菩薩。是故唯此真如三昧。乃能得入。如來種性也。若得此三昧。則所生一切根本四禪。四無量心。四無色定。有覺有觀等三三昧。乃至觀鍊熏修一切三昧。一一皆名不共三昧。以達其不可得。故皆是摩訶衍也。如客比丘宿佛房中。佛入初禪。乃至四禪。客皆隨入。佛乃更以異相而入初禪。客便茫然不知佛入何定。當知佛前所入。是用共禪。故客能知能入佛後所入。是不共禪。故客不復

知也。又法華三變淨土佛亦仍用背捨勝處及一切處二種三昧。而其神用遠非二乘所能測識。皆由不共三昧融彼共相。令共三昧皆成不共。故云真如三昧。能生無量三昧也。

④二明益

修此三昧現身。卽得十種利益。一者常爲十方諸佛菩薩之所護念。二者不爲一切諸魔惡鬼之所惱亂。三者不爲一切邪道所惑。四者令誹謗深法重罪業障。皆悉微薄。五者滅一切疑。諸惡覺觀。六者於如來

80 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

境界信得增長。七者遠離憂悔於生死中勇猛不怯。八者遠離憍慢柔和忍辱常爲一切世間所敬。九者設不住定於一切時一切境中煩惱種薄終不現起。十者若住於定不爲一切音聲等緣之所動亂。

真如乃是諸佛菩薩平等法身故修真如三昧卽獲平等用熏之益常爲十方諸佛菩薩之所獲念此卽總相益也。二者能觀妄念無相自伏愛種故魔不能亂。三者能觀妄念無相自伏見種故邪不能惑。四者轉謗爲信能觀深法故罪障漸薄如湯

消水。五者以信除疑如明破闇故惡覺觀滅。六者了知如來境界不離心之真如故信得增長。七者信一切法本性涅槃故遠離憂悔勇猛不怯。八者知一切衆生皆有佛性定當作佛故遠離憍慢柔和忍辱如常不輕菩薩始雖被人打罵終必爲人敬信歸仰。九者以信解力伏煩惱種故雖不住定不起現行。十者知一切音聲等緣皆唯心現不取不捨故不能動亂其正定也。初釋止竟。

(五)二釋觀二。初明應修。二明修相

(卷之三)

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

復次若唯修止心則沉沒。或生懈怠不樂。衆善遠離。

大悲是故宜應兼修於觀云何修耶

善修止者卽止是觀不沉不掉便入真如根本三昧獲十利益乃至入正定聚不復退轉何勞更明修觀法耶今爲不得意人心必沉沒或懈怠不樂衆善而墮凡外或遠離大悲而墮二乘故復示以應兼修觀也

(癸)二明修相三初四諦觀。二弘願觀。三起行觀

(子)今初

謂當觀世間一切諸法生滅不停以無常故苦苦故無我應觀過去法如夢現在法如電未來法如雲忽爾而起應觀有身悉皆不淨諸蟲穢汙煩惱和雜此先明苦諦觀也一生滅不停是無常行無常故苦卽是苦行苦故無我過去如夢了不可得現在一如重利那不住未來如雲忽起無所從來卽無我行諸蟲穢汙等卽不淨行此四行觀對治凡外一切見愛無不盡也

觀諸凡愚所見諸法於無物中妄計爲有

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

正信參經六

三

此卽集諦觀也。妄計卽惑。惑卽集諦。此觀正治。凡外貪著三有。兼治愚法。聲聞妄生恐怖。諦非心所行。不可譬喻。不可言說。

此卽滅諦觀也。緣生如幻。則卽事而真。真非事外。故非心所行。不可譬喻。言說正治。凡外非滅計滅。兼治二乘。捨有覓空。權位菩薩棄邊取中。

觀一切衆生從無始來。皆因無明熏習力故。受於無量身心大苦。現在未來。亦復如是。無邊無限。難出難

度。常在其中。不能覺察。甚爲可愍。

此卽道諦觀也。若能覺察無明因果。便是出要度脫之道。愍物迷此。卽爲下文弘願觀本。正治凡外。不知出要。兼治二乘。不起太悲。初四諦觀竟。

④二弘願觀

如是觀已。生決定智。起廣大悲。發大勇猛。立大誓願。此總明依四諦境。發四弘誓。上求佛道。名決定智。下化衆生。名廣大悲。弘能任重。名大勇猛。毅能道遠。名大誓願也。

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

願令我心離諸顛倒。斷諸分別。

此卽煩惱無盡誓願斷也。自未度脫欲度他人。無有是處故首明之。其實四弘在一心中非有先後親近一切諸佛菩薩頂禮供養恭敬讚歎聞正法如說修行盡未來際無有休息。

此卽法門無量誓願學也。不離顛倒分別則不能親諸佛菩薩不勤供養聽法則不能修無量度生法門是故四弘寃轉相成。以無量方便拔濟一切苦海眾生。

此卽衆生無邊誓願及也。

令住涅槃第一義樂。

此卽佛道無上誓願成也。同一切衆生皆成佛道

非願獨成佛故二弘願觀竟。

子三起行觀

目錄益進令人覺知難言益曲入

作是願已於一切時隨已堪能修行自利利他之行

行住坐卧常勤觀察應作不應作是名修觀

此卽以行真願也。自他本自不二由於顛倒分別妄見有殊今既隨順真如法性依四諦觀而發四

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

弘故於一切時中隨已堪能或修自利之行能爲衆生作增上緣卽是利他或修利他之行能破自心顛倒煩惱卽是自利乃至一行一住一坐一卧苟可自利利他則應作之苟不可以自利利他則不應作設使自雖有益能令人損或雖有益他人自墮名利皆亦不應作也發菩提心者最宜勤加觀察二釋觀竟

(五)三釋雙行

復次若唯修觀則心不止息多生疑惑不隨順第一

義諦不出生無分別智是故止觀應並修行

善修觀者卽觀是止念念與菩提心相應便契第一義諦不思議境此觀便是無分別智今爲不得意人散心緣四諦境雖發弘願不知四諦祇是一心多生疑惑故於本來無二法中巧示雙行方便謂雖念一切法皆無自性不生不滅本來寂滅自性涅槃而亦卽見因緣和合善惡業報不失不壞此示卽止而觀也念一切法自性涅槃一心真如門也止也卽見因緣業報不失不壞一心生滅門

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

也。觀也。祇於不生不滅性中妄有因緣。生滅則四  
諦皆唯一心明矣。以世間因果卽苦集。出世因果  
卽道滅。十界差別皆是心生滅門。皆依真如門故。  
雖念因緣善惡業報。而亦卽見一切諸法無生無性。  
乃至涅槃。

此示卽觀而止也。旣依真如而有生滅。則知生滅  
諸法同一真如。別無自性矣。二各釋竟。

辛三結益

修行止者。對治凡夫樂著生死。亦治二乘執著生死。

而生怖畏。修行觀者。對治凡夫不修善根。亦治二乘  
不起大慈。狹小心過是。故止觀互相助成。不相捨離。  
若止觀不具。必不能得無上菩提。

觀生滅卽真如名止。生死本空。何可樂著。生死無  
性。何須怖畏。觀真如卽生滅名觀。因果宛然。妄得  
不勤修善。同體在迷。妄得不普濟度蓋一心二門。  
本不相離。故一心止觀。決不可偏修也。爲成無上  
菩提。所以二行作一門說。初正示修習信心竟。  
(丙)二更示勝異方便二。初泛明念佛除障。二的指

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

求生極樂 ① 今初

復次初學菩薩住此娑婆世界。或值寒熱風雨不時。  
饑饉等苦。或見不善可畏衆生。三毒所纏邪見顛倒。  
棄背善道。習行惡法。菩薩在中心生怯弱恐不可值。  
遇諸佛菩薩恐不能成就清淨信心。生疑惑退者。應  
作是念。十方所有諸佛菩薩皆得大神通無有障礙。  
能以種種善巧方便救拔一切險厄衆生。作是念已。  
發大誓願。一心專念佛及菩薩。以生如是決定心。故  
於此命終必得往生餘佛利中。見佛菩薩信心成就。

永離惡趣

初學菩薩已解一心真如。生滅二門而修信行。但  
止觀力微。境緣粗惡。未入正定聚中。不能保其無  
退。故更示此勝異方便。令仗自心中之他佛度脫。  
佛心中之自身也。須知前止觀門。名念自佛三昧。  
今示念佛菩薩。卽念他佛三昧。以念佛及菩薩不  
生妄想分別。卽是止行。了知諸佛菩薩有大神通。  
巧便能救拔我及諸衆生。卽是觀行。所以修止觀  
時。設見佛菩薩形。知是魔事。不生取著。今念佛菩

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

薩時設更別商止觀。大似騎牛覓牛矣。然正念佛  
 菩薩時或得見佛菩薩。卽應了知唯心所現。萬勿  
 取著。勿生喜動。勿向人說。如遠公生平三見聖相。  
 不語一人。此爲要訣。唯至臨終見佛菩薩方是感  
 應道交定。非魔事不必致疑。以佛菩薩得大神通。  
 決定護念有緣念佛衆生不失時故。言發大誓願  
 者爲度衆生求生淨土。非爲自身獨出生死。有此  
 菩提弘願方是往生正因。不然縱令念佛菩薩與  
 佛菩薩氣分不相契合。不能生淨土也。

(丁)二的指求生極樂

如經中說。若善男子。善女人。專念西方極樂世界阿彌陀佛。以諸善根廻向願生。決定得生。常見彼佛。信心增長永不退轉。於彼聞法觀佛法身。漸次修行得入正位。

十方諸佛淨土無量。經論多指歸極樂者略有四意。一者阿彌陀佛與此土人最有緣故。乃至窮村僻塢。若男若女。若長若幼。若智若愚。無不知稱阿彌陀佛名者。二者法藏比丘願力勝故。諸佛果德。

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

雖實平等。因中願力任運攝生無差別。中有差別故。三者令人繫念得專心故。若不專歎則衆生既欲生西。又欲生東。心無一定淨業難成。所以十方諸佛同出廣長舌相讚此一門。令人專憶。四者阿彌陀佛卽法界藏身。極樂世界卽蓮華藏海。故見一佛卽爲見無量佛。生一土卽爲生無量土。念佛卽是念一切佛。卽爲一切佛所護念。以法身不破二故。生佛不二故。能念所念不二故。一念相應一念佛。念念相應念念佛。因該果徹更無二故。餘如

淨土經論廣明不能備述也。四修信分竟

(乙)五利益分四。初總勸聞思修。二別示聞思修功

本開德三誠誹謗護大罪。四結示大乘功能。

(丙)今

初

云何利益分。如是大乘秘密句義。今已略說。若有衆生欲於如來甚深境界廣大法中。生淨信覺解心入大乘道無有障礙者。於此略論當勤聽受。思惟修習。當知是人決定速成一切種智。

淨信覺解心者。若約圓妙絕待言之。則信卽解解

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

卽信。如來名世間解亦可名究竟信也。今約初機當言之。有信無解能長煩惱。有解無信能長邪見。故大並舉淨信覺解兩心。以爲入大乘道之正轍也。聽受者聞慧也。思惟者思慧也。修習者修慧也。三慧資無漏種令起現行故能速成一切種智。

(丙)二別示聞思修功德

若聞此法不生驚怖。當知此人定紹佛種速得授記。此別示聞慧功德也。

假使有人化三千大千世界衆生令住十善道不如

於須臾頃。正思此法過前功德無量無邊。此別示思慧功德也。一是世間善法。一世出世上上善法故。

若一日一夜如說修行。所生功德無量無邊不可稱說。假令十方一切諸佛各於無量阿僧祇劫說不能盡。以真如功德無邊際故。修行功德亦復無邊。此別示修慧功德也。修能顯性所以功德與法性等不可盡說也。二別示聞思修功德竟。

(丙)三誠誹謗獲大罪

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

若於此法生誹謗者獲無量罪於僧祇劫受大苦  
惱是故於此應決定信勿生誹謗自害害他斷三寶  
種

由有自心一體三寶方有世間一切三寶若謗此  
法即是斷三寶種罪報之太甚於五逆十惡也

(丙)四結示大乘功德

一切諸佛依此修行成無上智一切菩薩由此證得  
如來法身過去菩薩依此得成大乘淨信現在今成  
未來當成是故欲成自利利他殊勝行者當於此論

勤加修學

此正所謂十方薄伽梵一路涅槃門也三世菩薩  
非此不成大乘淨信故勸欲成三利行者必當勤  
修學也此四段文卽順四悉檀說可准思之二正  
說五分竟音韻宣會無異首帶然正百千妙異具  
(甲)三結施廻向

我今已解釋甚深廣大義功德施羣生令見真如法  
初二句結前所說第三句以此功德普施羣生第  
四句廻向真如實際同成究竟大菩提也

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

跋

大乘起信論者。佛祖傳心之正印法性法相之總持也。如來昔以太乘阿毘曇付與彌勒摩訶般若。付與文殊般若破執有而顯妙有。毘曇破惡空而顯真空。一音所宣。會無異旨。佛滅五百年後。異見滋生。馬鳴大士應佛懸記。重興正法。始則示爲計我外道。後乃廣顯二空妙宗。作無我大師子吼。破凡外二乘偏執。宗百洛又大乘經典。造此略論。申暢一心二門。卽生滅而顯真如。收般若真空不空。

之妙旨。卽真如而辨生滅。闡毘曇。幻有不有之玄詮。厥後龍樹依般若而造中論。還以空義成一切法護法。依毘曇而解唯識。還以幻有顯二種空。故知馬鳴龍樹護法。三大菩薩同契佛心。曾無稍異。奈何以文解義。泥名相而昧旨。歸伐異黨同豎門庭。而堅鬪諍。謬談聖旨。錯解真乘。千百年來竟同長夜。哀哉末葉。誠可痛心。旭以業障深纏。未登正位。夙因微善。遊刃圓宗。客歲盡散學人。志圖修證。今春偶遇戒子。邀入新安。頃從湯泉白嶽。還寓歙

浦廻龍竊爲三子商究楞伽復以餘力再解茲論最喜此地枯寂不異桃源兼愛主人率真絕無世態食粟米饭噉豆腐淳僅十一日草疏遂成是役也上藉諸佛菩薩馬鳴大師加被之力所以略無疑滯又賴允持循公法主外護故無他緣所侵至於性相關頭種種問辨則戒子堅密時公之啓予者多矣是月二十有八日閣筆故跋

大乘起信論裂網疏卷六



80 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

80  
1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

四十七

本居宣長